



1 4  
1544  
119



李石亭先生詩集序

余自束髮授書即聞鄉先生中有石亭李先生者學問文章豪情逸興大有不可一世之象甲戌余館詞曹而先生已服官在越後先生以憂回籍補選來郡而余又致仕還里辛巳春余奉 召起官先生長君羹堂先生以禮闈高擢中翰其軒軒震舉亦有不可一世之象益信家學淵源之不虛也越明年羹堂與余交益密倏一夕風雨中懷先生詩抄過寓囑余點訂並云先生佳之甚迫兩日即當郵寄付梓余不勝躍然起披呼童開樽論詩對酌雖約畧大槩而一紙已獲全豹時漏聲三

李石亭先生詩集序

余自束髮授書卽聞鄉先生中有石亭李先生者學問文章豪情逸興大有不可一世之槩甲戌余館詞曹而先生已服官在越後先生以憂回籍補選來郡而余又致仕還里辛巳春余奉 召起官先生長君羹堂先生以禮闈高擢中翰其軒軒震舉亦有不可一世之槩益信家學淵源之不虛也越明年羹堂與余交益密條一夕風雨中懷先生詩抄過寓囑余點訂並云先生催之甚迫兩日卽當郵寄付梓余不禁躍然起舞呼童開樽論詩對酌雖約畧大槩而一斑已窺全豹時漏聲三

下羹堂仍踵風雨而去余遂逐次披吟寢食俱廢越宵  
日而始畢其抒性則孝子忠臣流連欲絕鳶飛魚躍宛  
轉關生言情則思婦勞人宛然紙上春思秋興盡入毫  
端寫景則竹鳴花潭山鳴谷應烟汀日榭雨驟風馳至  
於懷人弔古則九原如作異地同堂陟險探奇則千仞  
振衣萬流濯足他如歌行雜興戲筆間吟又有光怪陸  
離行雲流水莫測其佳莫究其來之妙蓋是集也或得  
之簿書期會或發於馬迹車塵或動乎尋梅踏雪或感  
于鳥語虫吟摠之筆之所之情不自禁故人謂先生之  
優于學熟于史詳于天時人事而不知先生之得於天

者爲不可及也知先生之得於天者爲不可及則其不  
可一世之傑又當求之筆墨以外區區采藻亦其末也  
時壬午季春下浣序于都門之從好齋

賜進士出身

誥授奉直大夫常福建道監察御史前翰林院檢討同  
里乙齋劉天成拜撰

Blank page with vertical lines for text.

后高光部 燧 纒 喙



年六

Faded background text, likely bleed-through from the reverse side of the page.

胡為不冠天覆吾胡為不  
履地載吾上報朝廷以  
勤奮下教兒輩以詩書噫  
吾之事畢矣吳將冥心觀  
化亦游于泰古之初

石亭白題

萬善堂集卷一

羅江李化楠讓齋著

男 調元 雨村 編纂

杭州陸 燦補梅

嘉興李祖惠虹舟全枝

紹興黃 璋稚圭

古今體

古風 贈何文淵

古人有高風留在古簡牘  
嗚呼謝杜陵歸三徑自不子孫  
子蘇門嘯一聲振山谷  
八執與儔近代寡所續惟君  
志槩澗永矢而弗告紛華  
世競趨抱璞志逾篤桑間百

李在亭詩集 卷一  
一  
幽青門前五柳綠愛此嶺頭雲時對月下竹不握阿戎  
籌不障祖生麗問君何所好所好在醞醪引滿視天地  
豪邁無拘束有子類神駒 斬然見頭角北牕高卧餘一  
經勤謀讀達哉物外人允 堪礪末俗

長歌行

贈何萬先

君不見古人兄弟如手足樓上交輝似花萼又不見三  
張減價入洛年雙龍競出雲間躍榮悴田荆世所嗤誰  
如姜被共寢之惟君數世不分產雍雍百口無猜疑和  
氣致祥洵不爽烏衣子 弟人稱賞封胡羯末一門中阿  
買阿宜皆清朗我昔耶 耶曾學步入門先辨真假路心

印從來有的傳金針誰云不肯度逍遙林下已三年感  
君意氣爲加鞭來從座上開苦口大小鳴因大小叩西  
河且勿夫一疑舌敝耳 聾君知不諸郎有志足騰霄九  
萬鵬程信匪遙但看羽下 豐滿後門闌喜氣珥金貂

遊鵲鶴寺

信是祇園此日登無邊勝覽入峻嶒鶴巢常在千年巖  
猿去多懸百歲藤金頂雲 高峰漠漠碧潭雨霽浪層層  
禪堂圓寂無人到煮石餐 霞一老僧

與石蘭上人

深山獨立白雲遮閒酌清 承自煮茶五蘊空空開覺路

三乘了了續宗家菩提結以因緣果般若栽成智慧花  
珍守本來方寸地任他色相滿河沙

久客左綿感懷

綿城偶過動踰旬到處敲門訪故人農事正忙知歲熟  
客身不定為家貧蕭蕭落葉村烟暝寂寂殘花驛雨頻  
自是親朋敦古道相逢投姓敘前因

送友歸渭南

江上扁舟一葉輕臨岐無計挽行旌故人只在陽關內  
把酒殷勤唱渭城

久雨

冒雨朝朝落憑空斷續來送山全積翠近砌半生苔  
鳥穿雲去新花帶淚開何種探物色聊把濁醪杯

喜晴

日上闌干雨乍晴天空便不礙雲程先生袖手渾無事  
坐納涼風陣陣輕

謁龐靖侯祠

夾道陰森漢代松靖侯祠墓白雲封功開西蜀人誰識  
名冠南州士所宗不改蒼山長鬱鬱依然綠樹自重重  
漫言落鳳難消恨明月相歡有卧龍祠內並祀諸葛武侯

中秋無月次答趙金山



李石亭詩集 卷二  
為愛幽居近築臺那知阻雨負脚盃願君好護東籬菊  
九九佳期赴約來

和徐自申見過元韻

幾時未駕剡溪舟一旦逢君話不休白髮多從貧後短  
青山喜豁眼前愁醉人公瑾情逾渥留客陳遵意自優  
茶罷自慚無祇待同來江畔數沙鷗

送周儀萬

嘆茲直諒多聞友藥我疎慵鈍拙姿萬里關山投紵日  
廿年風雨對床時孔融滿座傾樽久王粲登樓作賦遲  
解道浮雲無限恨叮嚀莫負此心知

悼蔡生

不肯人間住胡為入我門侯芭翻早喪張禹竟誰論空  
想春風坐猶餘夜雪痕道窮真寂寞白日亦昏昏

病

兀坐自垂首凄清斗室中怯窺窓外月愁聽耳邊蟲落  
葉有時雨長江無限風何能撥雲霧清嘯九天空

重九

欣逢重九日籬下惜樽空秋盡雨聲內人來竹影中黃  
花如笑客白髮忽成翁千載龍山會狂歌典頗同

觀音寺

遶塢深深古木稠  
離塵三迳獨稱幽  
雲開意外羣山出  
雨歇門前一水流  
取靜關中常有悟  
偷閒忙裏復何求  
天然道妙供佳賞  
爲問他人識得不

遊石經寺

自錦官城踏翠回  
山齋小蔭暫徘徊  
蒼生怪我臥不起  
白眼向人懷未開  
穿洞渾疑無路轉  
沿江疊見有花開  
邇來一洗愁無奈  
放眼烟霞亦快哉

秋日苦雨次陳柏山韻

幽齋忽失碧天寬  
雲垂雨漸漫  
滴水正宜供筆墨  
遊山不厭濕衣冠  
林間落葉相天曉  
屋上啼烏夜月寒

且莫攢眉愁寂寞  
遙峰樹影入雕闌

新秋

風聲纔上樹梢頭  
酷暑炎炎未竟收  
惟有叢林秋不到  
小花爭放滿園稠

秋霽

連旬秋雨閒又閒  
堆案文書待筆刪  
簾外漏來紅日上  
一窻推出萬重山

金山老人歌

贈趙澹園

金山老人鬢如霜  
埋頭校書金山旁  
牙籤葉葉堆萬卷  
衙官屈宋嗤老聃  
文章誰似君家好  
豈羨他人登第蚤

風流名字寫紅箋華榻山郎猶未老邇來蕉萃百不如  
龍鐘舉步須人扶岐路落拓誰復識看人射策紛天衢  
人生遇合真偶耳雄飛雌伏俱足喜爲君試誦橫江詞  
如此風波亦可止西風蕭蕭天雨秋知君高臥山中樓  
倘逢樵叟相寄問少年豪氣冷除不

鳳仙花

未栽君子樹先植女兒花離落朝侵露苔痕晚襯霞清  
姿含雨豔倒影倚風斜染指能相媚調絃莫太誇

咏蟬

雨後空庭翠欲侵滿林齊女卷繁音柳陰一色日初午

槐蔭千層雲自深晨露飲殘猶噤嘒晚風送罷更沉沈  
誰如有道丈人者也學痴儂樹下尋

再與石蘭上人

古寺蕭疎好悟禪山光水影兩悠然空明不碍三千色  
慧苑初開十二緣衲上惹雲朝坐石鐺中分月夜添泉  
西來解得拈花意便有青蓮起座邊

與意愷上人

山堂靜對碧天長孤鶴閑雲鎮日望悟後可能梅子熟  
覺來定有木樨香水流曲徑禪心活月照虛窓世慮忘  
我亦空門無上士欲將心印問支郎

答趙金山

自笑篇章效四雖，憑君規語耐三思。  
自知身向愁邊樂，不是心從智後愚。  
豆架雨多垂塞耳，藥欄日午晒旁其。  
卽今好景何人見，聊復題詩寄牧之。

祝張丈七十

饒鑠精神享大年，全憑種植養心田。  
翩翩紫氣身爲鶴，靄靄紅雲羽是仙。  
曾向廖家淘壽井，何勞鄞縣問甘泉。  
華山安穩希夷夢，一枕逍遙絕世緣。

白鷄冠花

只爲疑鮮對早粧，數枝滴露占瑤芳。  
通宵客話窗前月，

報曉人呼殿外霜，似厭紫羅添雪色，不爭絳幘鬪秋光。  
從來玉樹傷心事，休共瓊花話短長。

初夏病起閒步

閑聞稚子誦書聲，偶向庭除自在行。  
新建草亭山漸出，舊穿荷沿水初平。  
墻頭紫葢垂堪摘，林角青桃熟未成。  
羨煞東鄰歡飲甚，應憐抱病一儒生。  
入渠野溜聽無聲，斷柳橫溪亦可行。  
逢叟多談神半減，招醫少至疾全平。  
提壺勸醉花如洗，布穀催耕穗欲成。  
樂事已隨消瘦去，願將閒暇過平生。

病後文淵以筭巖見惠兼寄七律一章依韻奉答

錦心爭似火珠然無奈蚕絲吐自纏問疾君還遺我食  
憐貧誰則給吾鮮一生僕僕如蓬轉萬事恢恢仰大圓  
待得精神成爽健思量修理岸邊船

謂瘦緣詩却不然病魔本自太相纏常憂買去芹蔬苦  
豈愛遺來笋蕨鮮別思每隨雲四起抱疴已見月三圓  
今朝杯酒爲君酌愧我難撐藥玉船

醒園

歲晚人閑後幽齋盡日吟掃葉隨風勢澆花趁日陰  
地  
掃雲自住山近月來侵種樹書長把無人知此心

京師感懷

秋雨桂開日長安葉落時囊慳爲客久鄉遠得書遲  
鶴  
髮空相望龍頭負所期東籬曾有約陶令舍予誰

龍神堂登樓遠眺

升高尋遠興倚檻挹輕風地廠山光入天開樹色通  
鷺  
飛田漠漠牛牧草芄芄無限登樓意凝眸一望中

賦得行不由徑效尤西堂體

豈緣骨傲不隨人落落孤標自出塵空谷有聲誰唱和  
公庭無事愛閒身心中各自分邪正方外何須問主賓  
他日武城留一笑原來得士作良民

新秋

李石詩集卷一  
風聲號刮樹梢頭  
酷暑炎雲尚未收  
惟有梧桐偏早覺  
先飛一葉報新秋

秋海棠

海棠已向早春開  
何事芳名秋又來  
應是月娥貪着粉  
故隨丹桂下瑤臺

秋雨初晴

連旬秋雨學偷閒  
且把文章細細刪  
日暮書聲剛欲歇  
捲簾推出萬重山

春雨

甘霖何處發  
遍地潤如酥  
借問村童子  
誰家有酒沽

中秋無月

早擬今宵賞月明  
引盃邀月共相傾  
誰知好景天收去  
空向嬋娥祝晚晴

初晴又雨

纔看楓葉染  
又見竹梢低  
雨勢來何驟  
山光望欲迷  
好花猶怯凍  
啼鳥數驚棲  
不到林泉外  
誰知漲小谿

夜坐偶成示調兒

一燈勤教子  
誦讀莫辭辛  
書是傳家寶  
儒爲席上珍  
志尚騫碧漢  
筆落動星辰  
受得苦中苦  
方成人上人

向日葵

亭亭獨立傲秋風  
傾葉扶根倚碧空  
多少繁花皆避日  
由來草木亦知忠

漢宮秋 一名剪秋紗

裁就紅紗秀可夸  
秋光散亂本天家  
漢宮妙出摻摻手  
剪碎紅雲片片霞

老來變 祝澹園先生散生

羞隨羣艷共爭春  
無果無花別一身  
莫到老來不還少  
老來光景色尤新

喜故人徐自申見過

多時未駕戴逵舟  
一旦相逢話不休  
妙義互從疑處析

新詞同向句中收  
醉人公瑾情逾渥  
問客宗之意自優  
茶罷慚無鷄黍供  
同來江畔看沙鷗

蚊

慣將利嘴咬人膚  
夜則紛飛日又無  
紙帳四垂眠自穩  
儘他宵小共喧呼

鼠

羣小潛踪棲屋瓦  
宵行跳怒自相打  
我自高眠君自爭  
爭待天明白歸也

新秋試筆

梧桐葉落普天秋  
雨送風來几案頭  
只道暑天長作酷

不知也有惡風收

戲與妙通和尚

持竿終日佛雲根  
夜坐蒲團久自<sub>出</sub>除却釣魚聽鳥外  
別無一事到禪門

金頂古松

磔柯離竒透碧霄  
枝枝葉葉聳山腰  
雲凝翠蓋老愈勁  
風過晴空影獨搖  
變作龍鱗書萬卷  
折爲塵尾幹千條  
幾回停立閒階望  
滿目秋光遣興遙

甲子四月靜養齋卽事

得刪字

天梯漫道不能攀  
信步蟾宮指口閒  
直上扶搖身萬里

眼前何事不能刪

月中仙桂美誰攀  
消息佳期在此閒  
得意蟾宮如有助

文成倚馬不須刪

靜養齋再用前韻

楊柳垂青俯可攀  
黃鸝密度晚烟閒  
日長尋得書中趣  
綠滿窻前草不刪

朱門豪貴幾曾攀  
拾翠尋幽到此閒  
軒外數株彭澤柳  
垂絲滿地不容刪

久雨二首

長天罩曉山涼夜  
隱明月雲影望還多  
雨聲猶未歇



暑雨朝朝落馮空斷續來郊原浮積翠堦下軟生苔

雨阻行期

瀟瀟雲霄滯征程幾度扳輿未遂行應是雲龍興際會  
故將霖雨福蒼生

醉園

半畝園中氣味長獨開醒眼識羲皇乾坤百事猶天定  
善惡千秋自主張夏日最宜栽竹好春來總爲看花忙  
黃庭讀罷渾無事坐倚晴窗納曉涼

示門生周思烈

場中戰藝意如何題理題神細揣摩妙訣由來無過熟

陳言不去總嫌多清如初日花間露動似輕風水上海  
盞我操刀今日事榮枯得失祇憑他

戲與柳齋索酒

彷彿劉伶欠酒吞卽乘佳興到柴門滿園脩竹碧如此  
一架高梧綠尙存紅友不來荷慢纏青田乏術核空存  
知君不怒清狂客爲乞開懷酒一尊

容安亭賞牡丹

競黃魏紫正芳菲且喜新亭挹翠微春入寶欄天富貴  
花含曉露地光輝笑拈國色叅同座醉惹天香襲滿衣  
倘許作酥堪一嚼元輿賦就馬如飛

五日同人讌集廻文

同人喜讌酒重斟樹樹榴花對客吟  
風晚拂窓橫鬪草空庭映翠積輕陰

五日同人讌集

扇暑長風透碧紗良辰樂事信堪誇  
偶聞好鳥枝枝喚却碍幽篁密密遮  
躡柳當年成嬉戲浴蘭此地挹芳華  
斗來只有今朝樂角黍盈盤酒不賒

中秋無月送人入闈三首

疾風苦雨怕登樓有客能歌互唱酬  
更得桂香飄入座此宵無月亦中秋

欲將杯酒出嬋娟萬里浮雲隔碧天  
仙子何須懷舊恨蟾宮獨步準今年

風風雨雨瀟樓臺秋色應從暗裏來  
斫桂不從天外得浮雲深處一披開

賦得振衣千仞岡

儘有登臨興升高自振衣烟光橫碧落  
翠色入崔巍下見羣山小遙瞻古木微  
歸來衣袂裏猶挾片雲飛

祝羅江孫明府五十

壽域開花縣循聲重潁川四民欣祝觥  
百里樂歌絃麥似漁陽秀珠如合浦旋  
桂香飄月下菊酒滿尊前北闕

恩初凝西池信早傳壽身還壽世延福更延年化雨隨  
車灑仁風到處扇天台呈瑞色合璧曜星躔日麗公庭  
栢風清几案烟百齡纔半度十歲已三遷桃馬隨仙駕  
蓮珠映綺筵不才叨盛會敬賦九如篇

李石亭詩集卷二

羅江李化楠讓齋著

男

調元

雨村

編纂

綿竹唐樂字鴛港

受業嘉興李祖惠虹舟全校

淳安王世維雨莊

古今體詩

餘姚署中偶作

爲民父母本無難無擾方能境內安德化鳴臬皆赤子  
政除猛虎卽清官城樓每爲聽潮上邨寺多因驗地看  
了却簿書無一事訟庭袖手獨凭闌

壬申浙闈奉和正主試閣學李鶴峰先生見元韻有  
序

是科爲壬申 萬壽科余充書一房同考官三月  
初二日始得絲字六號古博淵懿之氣一時無兩  
時草榜已定急呈薦主試少宗伯李鶴峰先生風  
簷展讀喜見鬚眉曰此真第一人也遂定壓卷榜  
發爲嘉興李祖惠老宿也馳名於大江南北者三  
十年黃茅白葦中埋沒久矣一旦出余門下先生  
以詩慶予得人有一言宗有墨綬岷峨發精英乍如  
得荆璞價重十二城遺我共欣賞古色果崢嶸之

句愧不敢當依韻和之

純儒不代出漢世推康成入室操矛後藜火無星精五  
鹿空嶽嶽揚子徒鏗鏗豈少面壁者經田鮮能耕束書  
度高閣坐待三年鳴譬如羽未豐安有聞天聲請君觀  
此卷磊落寧非英白袍立鵠中得此愁胡晴想見腹便  
便何啻擁百城席奪五十重意氣猶崢嶸嗟余本荒殖  
藻鑑難爲衡此邦文材數金石相琮琤放此出一頭堪  
欽老氣橫笑謂歐陽公叨陪與有榮

附原作

壬申浙江正主考官內閣學士兼禮部侍郎丁丑進士李因培  
鶴峰

耆宿白就謝耀彩誇後生經田不易畚行行鹵莽耕

浮若積潦漚細若蚓竅鳴捫燭不識日扣缶難爲聲  
我持白玉尺參黍皆分明拊髀一再歎誰能掣長鯨  
吾宗有墨綬岷峨發精英書一房餘姚令李君  
化楠四川羅江縣人首肯  
忽擊節凝眸忽轉睛乍如得荆璞價重十二城遺我  
共欣賞古色果崢嶸尊疊列太著金石調成謨非復  
時所艷翠然生遠情顧爾獨何人乃令識者驚俗目  
眩金采俗耳諧琵琶嘶口芹萍棄襲錦燕石榮老死  
一邱壑疇則玉女成而我獨感喟此必十年貞 聖  
朝羅俊彥寄名於持衡南金不入冶鐵中許錚錚焉  
用彼相哉塗抹徒縱橫懸茲作士鶴俾知稽古榮

擬古樂府二十首

有序

姚江山掌李虹舟以樂府體課士翌日以諸生卷  
示余各出新製佳則佳矣余惟旣曰擬古不應拋  
棄前人音節攔入已意明代七子輩互相標榜騁  
其筆鋒蹂躪八九幾自以爲前無古人矣而不知  
私心自甲菽法之辰益深果如所爲則何不日出  
新題而必曰擬古耶輒不禁伎痒聊作數首以示  
諸生自古在昔先民有作慎勿舍康莊而入叢棘  
中也

言別離

君不見古之人兮賈誼與屈原行吟江漢心煩冤元雲  
騏鬻氣爲淪帝閣天叫哀蒼旻千載詞賦淒人魂仿佛  
山鬼連鴉鵬陰陰白晝來當門吁嗟乎望古人而不見  
兮但見夔魍魎吁嗟聲啾啾颺颺呻吟虺蛇膠空啼何救  
虎豹困殺童倍狡余何求青天難上路崎嶇猿狖高挂  
綠桂枝遊子歸來兮夫復何之

孤兒行

孤兒早赴行塚薪手皴足凍鼻酸辛上山多狼虎下山  
多惡狗孤兒了不畏但畏家中兒與嫂浩浩風雪枯葉  
蕭騷一束不成悲且號腹中飢餓身上單雖有捶楚安

得逃但免腹中飢餓身上單雖有捶楚安得逃

自君之出矣

自君之出矣春光不入戶窗外楊柳枝顏色亦非故  
自君之出矣不畫遠山眉幾回顰蹙意那得外人知

獨漉篇

獨漉獨漉泥濡我足濡足尚可濡身殺我滔滔者誰曷  
揚其波欲濟無梁奈中阿何芙蓉雖艷無以爲裳一葦  
雖細無以爲航何以濯髮清冷之淵何以洗心咸池之  
泉

楊柳曲

陌上行人遠長亭復短亭春風來幾日楊柳已青青

採蓮曲

江水碧于染青蛾映淥池招我同心伴摘取同心枝  
採蓮向江南莫向江北望江北多少年白馬來江上

估客樂

客從洋外來採得珊瑚樹珊瑚六尺高賣向誰家去

襄陽樂

大堤多酒家盡傍垂楊邊誰家窈窕兒當壚學數錢

烏棲曲

香滿空庭月初出啞啞啼烏傍簷宿閑窓玉指自調絃

墮淚無聲起剪燭長檣大扁去何處丁寧莫向倡樓去  
願君心似船頭纜有時繫向儂家住

出塞曲

金柝邊風起關山塞月寒君恩猶未報把劍月中看

枯魚過河泣

枯魚骨已枯還對魴鯉泣魴鯉謂枯魚貪餌何太急

子夜四時歌

條風發百卉落花樹上稀蛾眉終已誤君今可不歸  
歡心如執熱儂心已就涼不復見蓮子唯聞荷花香  
白紵豈勝露啼漿入我屋梧桐知人意一葉破幽獨

與歡對門住雪盡不到門非歡終不到長此雪中痕

雙桐生空井

雙桐生空井枝葉何扶疎與君結同心胡以不有初

青溪小姑曲

盈盈青溪水小姑登春臺忽見雙鴛鴦含啼獨下來

桃葉歌

桃葉復桃葉灘灘江之沱不見桃結子唯聞桃葉歌

大笑行

大笑閑人誰似我日往城西自射塚觀者如堵皆挪揄  
此意由來與時左我亦自笑力何勝欲發未發常兢兢

衆人共喜柔繞指嗟予骨硬夫豈能邇來引滿似有得  
平正通達均如式力知萬事本人爲只在一身能努力  
求賢觀德安在哉浩然天骨森張開日長叵耐無事苦  
年深乃淬有用材君不見高臺明鏡光四射一日不拭  
生塵埃

新樂府二首

種田戶

種田戶業良苦此犢扶犁耕瘠土春忙力盡幾支柱又  
屆陽驕天不雨艱難幸得值有年妄冀倉箱盈萬千烹  
羔酌醴招鄰里解囊糶穀輸官錢官錢不欠儂心樂免



李石詩集卷二  
教催科受敲朴那知世情多變態正供雖完官事在東  
家犯罪我爲隣西家爭訟我中人爲中爲隣累無已差  
傳票喚何能喚一到官署遲未理門前守候動經旬官  
坐高衙方飲醇司閹如虎寧堪親一腔憤懣向誰訴不  
敢言兮焉敢怒旅店晨昏度淒涼回首田園春已暮春  
深未得勤畊作眼見蒿萊田卒汗又况吾姚訟師胸有  
矛頃刻海市與蜃樓一言不合休不得非控搶奪卽控  
偷何曾交手已啾啾流血號呼拳碎頭筆端造次奔颺  
颺清白良民受冤枉籤拿械繫陷法網出渠玩弄從股  
掌今歲不結又來歲彼爲大海我精衛尾閭不洩尚茫

茫脚填力竭且垂斃新穀未登場剗肉聊醫瘡妻孥淚  
暗傷不是年歲荒傷哉貧至此噫嘻憊甚矣安得賢侯  
視我如赤子事事入人心曲裏聽爾言爾勿哀我亦身  
自力田來固知不剪稂莠良苗災

欠糧民

欠糧民縣差促來催比頻一一喝令伏階下但見衣襟  
露肘皮肉龜或老或少相扶拽堂上長官詢緣因去年  
牒下今幾月扛米無輸何逡巡糧從田出須人力豈或  
遊蕩荒隰畛三時有秋九穀舉眼見紅腐倉倉陳別戶  
完納皆最早獨爾拖欠真可嗔縣官呵咄言未絕中有

老翁向前說長官可容聲訴乎題起源頭淚嗚咽田必  
有糧何容諱我糧雖有田則未無田因何由老翁再叩  
頭田在元明間曾有祖產傍海陬當年頗稱膏腴地歲  
歲每有千箱收爲苦潮汐不時至年深入剝成沙洲至  
今已作鰥鱉窟荒荒一片泥淤浮後世無田那餬口爲  
人作傭乞升斗少壯猶能力經營今已衰疲成老叟朝  
不保夕何待問國賦無逃甘守分旣無稱貸家又無可  
典糶事已至此其奈何敢忘父母諄諄訓我聞此言心  
爲悲撫之不暇安忍答爲民請命牧民事今無此例空  
垂洩薄俸不足起衆疾何以對我老黔黎他日上官行

部至告之亦復無所施豈真無所施莫似香陵但吟詩

春郊雜詩

和風應候吹萬物含新意曉日照高林雪消春滿地豆  
麥盡敷榮柳眼舒青翠行行過橫河兒童三五戲竹馬  
傍簷趨見我渾不避父老前致詞豐年今有瑞首春甲  
子晴雨打廿三四此是樂歲徵歷來皆有試問言心獨  
喜差慰先憂志我來已三年終日謀撫字精勤報國  
恩焦勞誅民事何幸天降康豐年穰穰至田家作苦多  
耕耨務深易日午汗淋漓心與力俱頓所賴屢逢年公  
私皆有備天子重農功寶哉幸及始父老便呼兒速

往修田器

恤囚吟四首

有序

囚應死於法不應死於吏吏非必有死囚之心  
而約束不嚴體察未周以致饑寒無可告訴病  
疾莫與醫療囚之化作青磷者衆矣姚邑監獄  
經數十年來未加修葺墻宇頽頹屋舍低小衆  
犯共居一處濕氣重蒸疾疫間作囚之孱者往  
往莫救嗚呼囚不以罪死是誰使之然哉爰請  
上官發帑鳩工改其舊而新是圖匝月告竣識  
數言自警亦以告後之典獄者

一入圜扉絕可憐求生何計死徒然諒難三宥全開網  
空有千愁孰解懸吏卒無情呼黑獄妻孥有淚滴黃泉  
傷心久罷團團夢况是饑寒疾病連

蓬頭垢面死爲鄰風雨凄其十二辰棘樹陰森連鬼國  
殘燈明滅伴愁人存亡就裏機關巧倚伏從中仔細論  
莫教伯仁由我死霜臺卽此是陽春

治獄非難斷獄難罪人生死寄毫端死如有恨冤何已  
生果能求寢亦安望斷家山音信杳威尊獄吏骨毛寒  
緒長緒短均成淚忍作從旁冷眼看

切骨嚴刑痛莫支况逢暑濕並蒸時言多不盡憑誰說

病到垂危只自知，獄繫十年灰已死。冤成一字案終疑，  
叮嚀此際須詳慎，頭上青天那可欺。

和陳學川韻

五斗由來妙解醒，漫勞文字兀堆撐。詩堪遠比顏光祿，  
酒豈全輸阮步兵。深院客來春晝末，閒堦吏散午烟輕。  
相將莫負今朝約，欲遣愁懷問麴生。

漫成

杜陵野老是吾師，老大還傷學步遲。阮籍何曾諳讀禮，  
王裒終不廢吟詩。虛懷撫竹風前韻，放眼看山雨後奇。  
點綴春光頗得句，休教傳與外人知。

戊寅元旦分韻得又字

莫道屠蘇分先後，年來萬事成紕繆。禍福無端若轉圓，  
霜天木落空回首。苦把芳心逐歲華，去年辛苦今年又。  
雲棧天高路幾重，中有北堂萱草茂。遙知兄弟望歸來，  
淑馨同爲慈親壽。

跋胡碧齋天台記後

簿領身勞萬事慵，憑君作記寫遺踪。穿林細徑晴猶濕，  
近寺浮烟翠且重。石洞炎風吹積雪，雲屏落日淡孤松。  
何人冒暑心逾壯，獨上仙源第一峯。

陸漁六求得高公枝山家藏淵鑑類函一部并所

畫山水二軸遺余喜而有作

春染桃花半欲酣米家書畫舊曾諳  
聯翩贈我成雙絕宛轉因人附一函  
架上雨風亂籤葉堂中烟霧起層巖  
一官不道清如水網盡珊瑚不諱貪

漁六子歌

陸生自號漁六子家住富湖碧灣裏  
夜雨青林屋後山曉風綠柳門前水  
閒來洗盞對花枝有時焚香哦新詩  
高懸網罟置不用自名漁者何相欺  
漁六大笑向余說曾向漁翁船上宿  
菱田月夜看飛鷺藕塘晚露驚眠鷺  
相逢呼我飲船頭喧歡醉倒白沙洲  
六人漁翁與我耳

自今爾爲漁六子我聞周有釣璜溪上之尚父又聞漢  
有披裘澤中之丈夫白眼曳綸睨天地清歌一曲吞江  
湖今君蓑笠兩無猜毋乃持竿去不來嚴陵瀨上應同  
坐孫緬船邊肯共迴竊觀先生有道者不義與之弗受  
也黃金白璧終何益駟馬高軒豈非假竹竿籊籊在深  
蘆羨君鼓柁烹松鱸幾時攜我當湖去我本烟波一釣  
徒

別汪孝臣

崢嶸豪氣共論文長把金樽對夕曛  
豈料百年多變態却令此日惜離羣  
放懷天地留青眼回首關山擁白雲

南北流萍終自合蓮花幕裏再逢君

送陸漁六

當湖陸子真奇絕得遇王宰傳真訣清江滾滾走蛟龍  
白日濛濛籠烟雪分明紙上活三毫飄渺雲山驚一瞥  
追風獨讓驂騑先入室應慙虎豹劣兒子調元近從學畫景色遲  
遲春有無夜光耿耿燈明滅我是天涯寥落人把酒躑  
躑難為別

寄懷陸子漁六集杜三首

海內知名士如公幾人青山意不盡綠酒正相親  
棲託難高卧流傳必倫看君多道氣念此別驚神

春畫曾饑渴分明在眼前如何關塞阻甘與歲時遷  
獨坐親雄劍傷春怯杜鵑故鄉歸不得把酒意茫然  
顧凱丹青列龍蛇只自深文章千古事時序百年心  
幕府初交碎諸侯數賜金早花隨處發留眼共登臨

春懷四首

春色無邊上小樓霏霏微雨灑平疇堂前亦有營巢鷺  
江上還多送客舟劍北高雲長悵望湖西明月苦勾留  
夜來一枕還家夢涕淚傷心可自由

正是尋花問柳時臨高何事獨凄其晚風吹斷三更夢  
夜雨聽殘一局棋萬里解官心似緒北堂有母髮如絲

茫茫天外音書絕，日轉愁腸若箇知。

顛風陣陣響窗櫺，觸迂愁人酒半醒。飄泊浮萍鬢自白，

吹殘柳絮眼誰青。天邊日暖歸鴻雁，原上春深望鶴鷄。

回首西南愁蜀道，幾時窵窵妥先靈。

門外黃鸝空好音，池邊綠樹自成陰。游魚只願歸滄海，

宿鳥由來戀故林。作客還鄉春有伴，逢人劫橐夜無金。

十年舊事空回首，皎皎難欺獨此心。

別王雲階

曾共蓬萊頂上遊

餘姚縣署有蓬萊閣

三年清興足風流，烟凝竹

閣春常住酒泛荷杯夜未休。夢遶勾山青歷歷心隨蕙

水碧油油欲知此後相思處，花滿窗陰月滿樓。

和陸漁六見寄詠懷四首

公家程限不容寬，送別鴛湖席未安。

御秀任署平湖篆也

候吏紛

來迺鷁舫閒人自去，把魚竿陽春匝地千家煖。好雨隨

車六月寒

余以六月六日抵平任得雨都人喜甚

保障應須勤補拙，浹旬

佈置好都完。

潘岳桃花子賤琴，空階雨後草痕侵。求寧欲遂平生業，

補過難欺夙夜心。春至幾人猶輟耒，秋來何處獨聞砧。

關心最是東湖畔，可有甘棠滿地陰。

父老攀轅意不勝

去平湖日都人祖餞者以萬計

江花江草影層層，寇

恁此去才難借黃霸重來秩許增謂保舉郡守迴首關山渾  
是夢傷心涕淚半成冰七年宦海支離甚苦雨凄風耿  
夜燈

戶外晴光依碧草增前翠色上青苔每緣客去門常掩  
爲惜花深徑不開日月儘隨流水逝雨風疑有故人來  
暮雲望斷相思切莫怪詩筒抵死摧

寒食和陸漁六韻

人看禁火節相追冷粥殘烟相對時不爲晉臣寧有此  
返同陸子共遊之白楊樹下西施塔青草池邊范蠡碑  
千古重下淚愁腸百轉更誰知

春雁

春去春來百感生遙天旅雁動離情桃花潭上留清影  
蘆荻洲邊聽遠聲萬里重來楓葉落一時歸去塞雲平  
何人傳與相思字北向乘風正暮征

唐錦爲余寫詩二冊作此示之

鍾王日已遠筆法知誰繼古人重典型今人尚嫵媚肥  
瘠均失之白蘭徒然費我有嗜詩癖搜羅藏笈秘阿買  
頗知書鉛槧功日亟嗟錦汝來前爲我一蒼萃初猶苦  
艱澁久乃漸流利俄然成兩帙筆法亦粗備遊子滯天  
涯飽食無一事遺編盡日披聊欲便腹筒蘇韓子古人



雙字有深義我讀既已難爾書良不易還當自愛惜兢  
兢防失墜

題徐藍陞乘風破浪圖

憶昔宰名邦國士始相遇十詩爲我吟

徐君嘗以七  
絕十首贈余

榻爲君具與君相交見始終與君相期迥不同  
染翰摛詞驚夜雨引吭搏翮凌虛空壯哉海上乘槎客烟水茫茫  
千頃碧輕舟穩駕達三山魚龍當之皆辟易此日相見爲題詩  
萬里乘風正及時他年攜手長安道記取無雙國士知

陟門道中

昨夜窻前雨隨人到野坳鴨浮千畝綠螺點萬山青  
古渡沙痕滿村墟樹色暝長堤一回首歷歷幾郵亭

次韻答沈雅南

春風忽送故人來感謝多情爲折梅  
千古文章欣作合百年時序暗相催  
登樓王粲歸猶未解組陶潛意掇灰  
最恨子規啼太急相逢無語悵空向

恭和 御製蘭亭卽事原韻

遲日 鑿輿宛轉行林端拂拂好風生  
蘭亭喜見 宸留句枝蓋欣聞  
睿賞情曲水聲聲依仗瀉野花艷艷  
及時榮羨他醉本銷沉久拂拭能邀  
藻鑿評

恭和 御製蘭亭四首原韻

山陰春色正堪探  
霽色空明一鏡涵  
萬壑千巖何足羨  
茂林又闢徑三三

如錦祥雲布太和  
宸章五色爛嵯峨  
羣賢畢至風流歇  
袂飲重開 龍賜多

勝地頻教轍跡環  
新逢 法駕駐崇山  
試看玉振金聲處  
盡在銀鈎鐵畫間

不須真本秘禪僧  
流轉人寰見未能  
爭似 吾皇忘物我  
與民同樂萬邦稱

聯句

春夜喜平湖陸宙冲漁六至 卽席聯句時大兒調

元適白海昌歸共賦之

寂寂春色晚人事日追逐  
桃花墮殘紅柳條挂新綠

東浦早放舟西牕復剪燭  
兩月積離愁一杯話心曲

無人蟻曲屈有客鳥剝啄  
振衣起徘徊握手聊躑

躑調元顏色月落梁父聲  
鶯出谷呼童摘園蔬滿盤堆

野菽石亭賢主臭似蘭  
佳客温如玉謂坐客孫已從酒

邊過復向花間宿宙冲  
吟多膝頰搖思苦肩全縮  
良觀

非無因舊游喜再續調元  
卓犖觀書卷珍重展畫軸時

惠書數十種故云爾  
此物非偶然吾心良亦足  
石亭冰心在一壺

錦字奪雙日肝胆能照人筆墨堪醫俗宙冲才名滿東

吳客路戀西蜀夜靜斗杓傾坐久燈花落謂元不厭言

語深轉恐更漏促來會君已遲告歸我更速石亭何處

寄閒情相期踐前約笑指西湖上蘇堤畫橋六宙冲

萬善堂集卷三

羅江李化楠讓齋著 男 調元 兩村 編纂

鄞縣俞 經醉六

受業嘉興李祖惠虹舟全校

德清陳 墉厚堂

古今體

枇杷歌

昔年有人海南回餽我龍眼數十枚冰盤堆薦頰虬卵  
玉膚紅縷一笑開自從逆旅沙頭店炎天忽憶無憂扇  
海南仙人不再來北村之廬還相見入口清香也可人

濛濛綠雪齒牙澁人間絕品豈不珍其奈尤物有時  
况我麤客名相當蠟丸顆顆充饑腸詩成酒後醉眼花  
錯寫唯愁作琵琶

別潘名顯

憶昔樊江望去旌臨岐話別淚盈盈卽今邂逅到蓬日  
依舊當時送我情

別韓庭蘭

豪情俠氣舊時人此日相將意倍親記得龍泉山下路  
梅花欲放隔年春

式微感懷二首

錢塘浪小拍天青半夜寒聲不可聽雨打三更花自落  
卽來一榻酒初醒西湖縱好何能戀北道雖遙已慣經  
此夕無眠聊躑躅十年底事忍伶俜  
容愁三月乍驚寒苦雨繁花點點殘入眼風光何處好  
傷心人事隔年看飛鴻北去音書斷杜宇南來血淚乾  
試上吳山高處望我眉天半路漫漫

同錢樂天王荆玉張玉亭遊湖山諸勝連日飲酒  
同是宦遊人相逢欣一笑青春忽忽過酒食頻頻召窮  
巖趣幽尋素浪展清眺隨舟漾碧波信步踏翫翫野花  
映水明傑閣倚山峭興至每忘歸佳處得其要永懷達

士風一洗俗吏諂若許營吾居便可託長嘯

夏初杭城旅感

豈爲西湖此暫留春來春去暗生愁登山有伴同沽酒  
廢院無人獨上樓日月去來雙轉轂乾坤俯仰一沙鷗  
他時若許尋歸棹屈指還家恰及秋

久雨

羈愁口耐連宵雨局縮難言斗室寬水過舊痕添幾尺  
園生新竹又千竿孤燈點點人何處遠棧重重客到難  
回首七盤山下路憑誰傳語報平安

喜晴二首

江南五月落梅風爭掃浮雲見碧空遠客不須貪着睡  
歸帆今已掛城東

白雲綠水兩悠悠耐可乘風返故邱纔說臨淮關上路  
夢魂先已過揚州

秀州姚子順錫比部員外有送別大兒調元詩和

其韻

語共阿戎不厭頻飛騰有意各須親懸知翮羽終華國  
敢道家駒信絕塵劍閣秋風嘶去馬鴛湖烟雨趁行人  
相逢擬作連宵飲遮莫鄰鷄欲喚晨

遣懷三首

晴槐蔭綠午風涼  
蠶事將登麥欲黃  
歲月蹉跎人易老  
白雲深處望家鄉  
家鄉遠隔在天涯  
劍閣崢嶸石磴斜  
豈是江南風景好  
到今遊子不還家  
還家有夢隔雲山  
萬疊愁思不可刪  
好鳥似知人意倦  
枝頭故作語關關

苦熱行

出門時未秋行路日當午  
蒸如身在甌乾覺口生土  
我馬亦已瘠旅店在何許  
忍以孱弱軀罹此炎熱苦  
同伴八九人病者已四五  
踉蹌入店來先尋安樂處  
欲藉枕

簟涼微解胸中暑  
巨耐青蠅多紛紛  
不可數好夢覺難成  
拔劍空鬱怒天道本有常  
詎欲困羈旅煩惱定何爲  
未必非自取

徐家橋

西風昨夜怯衣涼  
馬首徘徊客夢長  
一覺北牕甘寢後  
閒尋村叟話農桑

宵行蒙城道上用大兒調元韵

思歸宜速駕畏熱且宵征  
野渡雲俱黑荒村火獨明  
垂頭防馬逸饑腹作雷鳴  
客倦長亭路題詩不著名

亳州道上遇雨

迢遞征車夜氣清  
亳州城外雨如傾  
行人莫怨衣衫濕  
多少人家笑語聲

魏橋別盧生

故人祿未厚相望一何賒  
所得不償勞鬱鬱空咨嗟  
自古秦越地各在天一涯  
馬行尚不及何乃步當車  
六月火雲飛炎蒸日漸加  
兩足生皴匏滯汗長嗟  
呀遂緣毒熱苦遭此瘧鬼  
邪行行力不支別我魏橋  
窪我初不識子相逢在官  
尚萍踪許乍合征途共笑  
譁人生信多故中道棄我  
遐念君困羈旅何時得還  
家握手聲嗚咽悲酸淚眼  
花徘徊不忍去及去日西  
斜

偶作

走馬來過原上村  
秋風夜雨客敲門  
主人睡起矇矓眼  
半晌搔頭不出言

五女祠二首

英魂俠骨那能追  
姊妹同心更有誰  
遺廟至今傳節烈  
方知巾幗勝鬚眉

完貞苦行杳難追  
五女當年知是誰  
只有荒村埋骨處  
秋風秋草識蛾眉

八里橋

滄海龍歸不可留  
奸雄空自用機謀  
只今八里橋邊水

不向魏王宮裡流

曉行穎橋次壁間韵

氣人冥濛裏人遊淡蕩中露涼侵草屨雲薄護茅蓬無  
意看山色留心問土風田家秋雨足不慮蓋藏空

詢穎考叔祠

穎濱千古一徘徊孝子忠臣骨已灰悟主能教姜氏樂  
登城不共子都回靈臺夜雨旌旗變古墓秋風草木哀  
至性到今長不滅菁莪起化育多才

祠旁有穎濱書院肄業者甚多

伊陽道上口占

朝來細雨浥輕塵暑氣全消冷逼身山勢蜿蜒如送客

馬聲蹄躅欲留人回頭萬里方歸蜀屈指三旬始達秦  
不盡勞勞鄉國夢幾時鷄黍慰慈親

伊陽早發

夜半秋風送馬蹄穿岩度嶺怯衝泥孤村石徑環山谷  
小市人家隔水溪豈有盤飧供白酒依然豆粥襍黃鷄  
鄉關此去無多路回首雲山西復西

伊河偶憇和調兒韻

瀟瀟風雨動離愁長路徘徊此暫留拂樹乍驚黃葉落  
遮山遙見白雲浮馬鳴深店空搖尾客倦長途合轉頭  
曾記中條山下路有亭從古號休休



陝州道中

羣峰環繞一溪流客路崎嶇入陝州嶺度千盤防馬滑  
天留一綫看雲浮二陵風雨村烟晚三晉河山塞草秋  
回首家園何日到塵沙撲面使人愁

自廣陵捨舟登陸匝月至盤豆秦蜀相連歸期屈  
指可計矣喜而有作

地連三晉望三峰早度雄關二百重占野有星皆拱極  
導河無水不朝宗亂山疊翠迎朝爽古木垂陰挂夕春  
秋節乍涼鄉國近臨風攬轡且從容

華陰道上截句二首

西岳峻嶒儼接天谿研巨壑翠凝烟仙源有路無人到  
開盡峰頭十丈蓮

古人一睡尙留名石洞雲歸夜氣清若使希夷真不死  
便應此處學長生

憶盧生

遇君浙水隈別我魏橋路日暮秋風涼行人渺何處

浴溫泉

驪山之麓天罅開中有靈泉滾滾來洞中仙女自煎沸  
不須家火相燔煨我來今已三次浴浴時頓覺心清無  
塵埃塵埃既去還復有湯谷從來不易覲願得人間處

處有此泉洗盡時人不生垢

秦中

肩輿出長安却上涇陽道洪流浸渺茫小徑踏劬劬  
于下危坡凌兢出潭淖野外不逢人深林聞鬼嘯僕夫  
走且僵行店看看到同伴睡且驚相慰還相吊胡以父  
母身自甘危險蹈吾生涉風塵辛苦久所冒夷險本齊  
觀冥心乃獨造天明攬鏡窺非復舊時貌

入棧

渭水橋西大散關平原盡處萬山環懸崖有屋雲長住  
深樹無人鳥自還鄉國行來風景異乾坤老去鬢毛斑

錦官只在諸峰外策馬何須問險艱

自黃牛舖至鳳縣道中作

山斷尚有木木斷竟無支山木留缺陷行人命如絲我  
從東方來欲度良自疑立馬千仞岡俯聽水聲漸臨深  
兼履險轉足勢已危驅驅勿復顧幸得趨坦夷俄聞後  
來人一馬崖邊噫嗟哉行役子營逐徒爾爲我聞古君  
子道路以時治此地有良牧胡久不設施壁間留此語  
聊用相爲規

晴

長松夜吼千蛟舞倒捲山泉作飛雨一天秋色淡雲濤

萬里塵容濯烟縷僕夫苦道路難行共怨天公不肯晴  
晨起無風忽開明樹頭高挂一輪明我行正欲窮幽討  
晴固稱佳雨亦好但恐出山馬蹄忙不見烟雲變昏曉

鷄頭關

何年天鷄開石碣頭河中分頭破裂千尋峭壁倚層巒  
百丈寒潭俯深碧秦山路盡轉三巴平江漠漠走黃沙  
太平時節無天險遙看沃野遍桑麻山僧坐我小閣內  
與談世事多感喟眼前百態逐時新惟有茲山長不壞  
蜀人于濡浙人鄒隣前後治褒余皆相識今于物故而  
鄒亦老病退休偶與山僧談及輒不勝聚散之感云  
山城欲閉日西傾策馬仍向坡龍行城頭鴉噪秋風起

側身西望暮雲橫

五丁關

雷風震蕩鬼夜哭壯士奮怒山爲却手擘鐵崖兩扇開  
神工不用施椎鑿美女金牛事有無天教破險通秦蜀  
迤邐嶮盡見雄關關封峽口如泥丸造化融液相綴補  
搏沙攫土堆蒼嶺我行觀山心已厭惟有茲山看不勸  
沿溪翠篠綠沾衣匝地野花紅拂面良牧有意誇山靈  
標題舊蹟建茶亭當年若無霹靂手至今何人知五丁

七盤關

遊客思家萬里還艱難初上七盤山鳥啼絕谷深難見

李石詩集卷三  
猿上懸梯近可攀西指蠶叢開蜀道北通雲棧鎖秦關  
幸逢老叟聞鄉語強破愁懷一笑顏

廣元舟中

我官於南閩七年不愼乘馬慣乘船卧引江風飛一葉  
醉和吳歌叩兩舷自從捨舟廣陵道疲馬馱來身聳肩  
詩思苦被紅塵擾病骨難支紅日煎秦棧山高尤可畏  
立馬天半低雲烟險中却相舊遊處如泛仙槎尋無緣  
豈知還復有今日中流坐嘯憶清漣但恨山奇水過急  
似似離前絃九十九峯彈指過廬山面目觀未全  
丟家已不遠况逢佳處差安便明朝日出催行路

仍上山之巔

劍門

劍門險而奇峭壁倚蒼翠連山忽中斷仰觀天宇隘洪  
爐鑄鐵城始自何王代憑吊千古人得失互興敗我行  
屢經過暗山風雨會但覺戍樓空那知天險在聖朝大  
一統守在四夷外

劍州道中見石戲作短歌

羣羊未遇黃仙叱橫山塞野四散出小者如狗大如牛  
卧佔民田妨黍稷天有雨露地流膏此物難容久相逼  
東海至大胡不歸我欲鞭之使流血

別李玉山

我初未識君錢塘始一見坐視神骨駿發語驚雷電扁  
舟六月行棋局共消遣勝迹與名山磊磊看不倦就中  
喜廣陵他年期會面君遊平山堂心甚愛之笑謂余異  
日若得補官揚州必來相訪作一  
月之遊也君才固殊傑棘闈屢敗戰投筆走江湖豈慕名與  
宦江湖雖云樂桑梓尤可念歸來治園畦華堂坐清宴  
蒲江近臨邛遊踪我欲徧君歸與婦謀預藏斗酒釀

萬善堂集卷四

羅江李化楠讓齋著

男

調元 雨村

編纂

錢塘王學濂志周

受業嘉興李祖惠虹舟全校

羅山吳邦直豹文

古今體

別楊受書

一為京師遊兩作浙江客湖山看已厭歸來理故宅君  
叔我同官相親自宿昔朝夕不見而便如千里隔賴君  
頻往來咨謀多所益家貨許通融杯酒忘形迹君叔信

李石詩集卷四  
豪邁君才亦膚碩如何久無成鸞鳳鍛六翮關山秋月  
白井梧聲撼撼臨發更停車分手還相惜

別楊天肇

頎然貴公子來往萬餘里無從亦無輿布衣躡芒履問  
君何自苦君言性所喜繁華如春花開謝理難恃方羨  
桃李榮俄驚秋風起榮華與衰颯變幻須臾耳惟有本  
來相俯仰隨終始眠食得安然衾影不愧耻顧我豈有  
餘於分亦足矣嘆息感君言淵深奇妙旨我本耕田夫  
時來聊一仕七載軟紅塵信素變紈綺有子不知農但  
解逐書史視田雖可種要須自鋤理又恐與習化顛倒

眩華靡留連送君歸我亦返故址南北兩相望淳風尤  
可企

皂角鋪

遊子歸來住皂角隔山望見舊茅屋兒歸只少半日程  
母心猶自千里逐卧聽寒雨灑空山似聞白髮悲秋菊  
孤館一夜不成眠欹枕無人燈燼落

重九前一日寄趙澹園

金山峇堯勢接天長松盤屈山之巔風濤萬壑起雲烟  
中有人兮清且妍憶昔追陪慕執鞭王良造父相後先  
花開如錦酒如泉賞花酌酒共留連醉後題詩驚四筵

李石詩集 卷四  
落花流水春風顛自從捧檄試烹鮮每書恹恹紛糾纏  
夢中故人相往還醒來仍自隔山川無端萬里音書傳  
梧桐秋雨客心煎歸來南山草芊綿喬木飄零涕泗漣  
香山九老盡如仙不見元爽已經年道逢父執空潛然  
墻根菊花亦可憐清風明月落樽前來朝重訪舊因緣  
已卯元旦和柴豹文韻  
雨過雲開日欲上墻頭少女微風颺年華已盡又重新  
兒童拍掌遙相望共憐人事得嬉遊豈知光陰空跌宕  
桃符年年換歲來老者衰矣少者壯不如乘興醉春風  
倒盡鄰家大甕盎

春初登山卽事和周尤庭韻

匆匆人事鬧春華招友尋山望眼奢流水小橋環翠樓  
平林深巷隔烟霞山間好鳥迎春叫野外寒梅帶雨斜  
得句但隨遊客興登高作賦不須誇

清詞

四面雲開曉日曛輕風吹破馬蹄痕浮萍白水田邊路  
落葉紅泥嶺上村鶴化何年埋石碣麟眠此夜泣荒原  
九泉一滴終須到靈爽猶應念子孫

分秧二首調家植三

秧分一壠又千畦贏得今年水滿堤澤畔行來看不足

綠楊陰裏杜鵑啼

四月農人有底忙  
蠶趁初熟又分秧  
休官彭澤真無事  
睡起呼童索酒嘗

贈何九

卓犖英姿遠近聞  
一門兄弟盡超羣  
小坡已自傳三世  
阿買猶能寫八分  
竹筵斜開花漠漠  
松扉半掩雨紛紛  
他時石洞應相訪  
早使山童掃白雲

端午戲作二首

百年爛醉是生涯  
清簟疎簾日未斜  
一榻翛然空萬境  
夢回欹枕看榴花

剩有傳經事不違  
廬山面目是耶非  
諸生只恐還嚙笑  
邊老而今帶十圍

送柴豹文應謝明府聘

東南有故人從我來  
西蜀豈不畏道難  
况乃犯暑酷吳越  
多山水相看日已熟  
瞿唐天下奇有懷自昔夙欲傾  
萬壑流一洗千里目  
半載抵故園二子從家塾  
芝蘭茁堦庭文章富笥腹  
人生有離別物理多反覆  
十年來何遲一朝去更速  
明府清且賢訓兒諫勤督知我坐中人  
相扳爲推轂君聞殊未決  
欲發還躑躅我謂君往哉不  
疑何用卜以君爲良田時雨旣霑足  
公私何必分所貴



產嘉穀又如希世珍齊心同所欲位置苟得宜豈必我  
乎獨二子去從君好動如黃犢慎勿任安便要當時拘  
束離離園中花藹藹窗間竹分手一黯然且盡杯中盞  
夜歸馬上口占明日寄澹園先生

村遠微聞扣角歌月明歸路迳新禾高陽池下山翁醉  
蒼耳林中太白過沙觀馬蹄牽水荇珠翻龜背亂風荷  
明朝更擬君家去刺得床頭酒幾何

生日二首

團圓兒女祝芳辰卯酒三杯滿面春百歲光陰纔一  
且休喚作二毛人

樽酒無多亦壽筵何人真作地行仙試看萱草年年茂  
便是長生不老緣

六月十八日澹園先生見過並示卽事感懷詩席

間次韻兒子調元同和

才名端不讓三何落筆香傳十里荷且喜到門無鳳字  
應知掛壁有龍梭舊遊翻欲成新賞一別何因肯再過  
邀月舉杯拚痛飲醉看庭樹影婆娑

前飲澹園先生席間不肯和詩今來過飲戲作此  
詩挑之

未應止酒和陶潛且學燒猪待子瞻何主何賓俱莫問

相親相近了無嫌論心難得高人許鬪句須將險韻拈  
巧匠今番還袖手不教騎馬出前檐

澹園既和復次韻答之

歸途莫向田頭問醉眼聊憑馬首瞻畧約橫過應久慣  
長離倒著亦誰嫌倦遊空復雄心在戲墨隨將秃筆拈  
好句陰鏗君得似休教錯認謫仙檐

無題

囚禽得食尙疑猜何幸樊籠一旦開獨有主人恩義重  
聲聲猶自喚歸來

叠前韻寄澹園先生長君從予學故有自可

噴鼻無香雖久化摩天有子正高瞻詩無好句君應恨  
醉不成歡我亦嫌砌草漸多防獨步檐花索笑競先拈  
便當坐對青山晚涼月紛紛直到檐

六月二十六日宋子敬席上因天久不雨坐客命

爲詩韻限水字與趙澹園先生陸子慎先同賦  
余得一絕云高田六月飛塵起滴汗鋤禾空爾  
爾嶮語直須驚睡龍來朝共看決渠水今於二  
十九日得大雨喜作一律奉寄澹園並示陸子  
也

憑君豪句破天慳掣電驚雷頃刻間初入池塘猶小小

奔流崖谷已潺潺枯木頓欲回生意老叟相看發笑顏  
更有幽人堪愛處羣山洗出翠螺鬟

儀萬周大兄招遊愛閒亭同兒子調元早行赴飲  
周家亭子曉烟浮晨起呼兒作伴遊塔水雲開松樹頂  
官山月挂柳梢頭三間瓦廡堪維馬十里江波看浴鷗  
薄暮倒歸君莫笑劉伶本是醉鄉侯

澹園以詩招飲和韻答之

出門欲何詣就君覓所歡良會各有時數見亦非難獨  
遊常信步箕坐或不冠寒温敘畧罷魚菜已飮盤交情  
濃似酒詩味清如蘭信筆走相寄清興應未闌

和詩後得大雨卽成一律寄趙澹園並挑再和

新詩欲和暗生愁却得甘霖豁兩眸降定明朝迎鄭伯  
驚看此夕卧條侯雲遮野寺江村晚雨洗平原草木秋  
酒醒不勞思卧簟只今炎暑已全收

送大兄調元赴舉

相攜曾上鉤鰲臺

嘉興烟雨樓下有鉤鰲磯

襟抱當時得好閑只道

鸞箋由蜀產豈知花樣自南來登壇舊有穿楊技叉手

新誇作賦才多少白袍門外立看兒奪取錦標回

時初闈

試五言八韻詩

新春喜羅子學址丁子光遠至余有詩云十年聚

散友朋情曾記當時白水盟雲路有人朝北闕  
音書無自達南京風搖柳浪晴光遠月照梅窗  
瘦影橫此夜相逢須盡醉莫辭春酒百壺傾盡  
歡而別今羅學址再至則已爲諸生羅蓋晚而  
遇者余驚且喜因次前韻

舊雨來人慰我情銅山遙共此心盟未谷蔣諫開三徑  
且喜張衡賦兩京寂歷晚花隨處發崢嶸老氣與秋橫  
霜蹄一展能千里滾滾詞源看倒傾

秋雨二首

經秋猶苦熱一雨條生涼日暮雲俱黑風清稻欲黃寒

宜因酒暖閒合爲詩忙不盡揮毫意江天接混茫  
炎威不可久寒雨乍來侵水漲清池澗雲垂綠樹陰流  
螢低夜火砧杵暗清音遲暮驚秋節幽懷付短吟

送同學諸友赴鄉試

雨濕征衣滴翠嵐佳期欲問後三三粧成未肯全誇粉  
染出方知遠勝藍雲路豈從天外覓桂香只在月中探  
遙知被酒狂歌處夜半驚龍起石潭

秋雨嘆二首

雲暗秋原白日暮江口行人不敢渡昔時不雨雨今多  
恐是欲補從前數水田瀾漫無高低可憐黃穗卧青泥

山田報道陂塘滿且冀來年不再旱  
天吳陽侯意若何秋雨無端興洪波  
洪波蕩潏激溝坑漫山入峽噲咄鳴  
堤成庶見禾稼熟河窄却碍蛟龍行  
捲去長堤亦不悔好放蛟龍歸大海

戲何文淵晝睡

日高三丈睡正濃打門驚覺起還慵  
前生本是渴睡漢夜睡工夫纔及半  
倏然一榻與世踈萬事都入黑甜餘  
宿酒初消正思睡主人有酒還索醉  
醉來仍向華胥遊霜天明月照高樓

戲周壽山鬚白

百歲光陰會有極流光冉冉留不得  
日月如梭逼人來綠髮如絲不再黑  
幾回欲籥領下髭恐被房中大婦唾  
自從鏡裏添白髮羞向粧臺再畫眉  
世閒紛紛欺老大不知人老纔堪賀  
滄桑閱遍眼應明風浪乍平險已過  
我與君遊未生鬚忽忽今已四十餘  
待我衰老頭盡白看君髭白更何如

過馮家林舊日讀書處追悼趙志遠師有感二首

王謝當前燕不歸滿林風雨捲春暉  
當年問字人何處腸斷秋山木葉飛

風流儒雅是吾師立雪難忘問字時  
杵臼程嬰都不見

誰隣趙氏有孤兒

山色凄迷渡野橋  
水花風葉暮蕭蕭  
悲秋宋玉天難問  
魂哭靈均死欲招

喜晴

愁霖十日水冒田  
禾將爛死天亦憐  
故遣蛟龍且暫眠  
肩挑車載忙收貯  
于田者男饑者女  
途遇老翁向我語  
一年之計望天公  
穀貴妨食賤妨農  
今年貴賤得其中

七月二十七日自南村起行至德陽縣途中作

多病憚遠征  
出門欲何適  
世事暗相催  
人生會有役  
月黑曉光遲  
雨過寒氣慄  
荒徑細欲無  
踈林翠頻滴  
無人

指行路但覓牛羊迹  
稍行漸平曠茅屋倚山壁  
高田種豆苗低田藝黍稷  
乍見貧者富萬顆堆玉粒  
束藁散不心一一如人立  
瀾水清可飲綿江淺可涉  
鹿頭山亭亭可望不可即  
過此盡平川乾坤忽開闢  
青天浩漫漫遠樹紛歷歷  
晦明極變態烟雲爲激滌  
茲遊良不虛耳目  
快愜日暮到城下作詩弔秦宓

過秦公宓墓

一杯黃土田邊路  
細草荒烟常擁護  
只因解道天有頭  
至今人指秦公墓

新都行

新都宰輔楊文忠升庵繼起過乃公議禮真堪息羣喙  
嗚彼小兒萼與璉一腔孤憤欲自訴天關九重無爲通  
排雲叩閣叫且哭哭聲真上驚蒼穹血流被體幸不死  
餘生流竄蠻荒中平生忠義何處洩靈均萬古悲長虹  
插花塗面聊復爾妓裙遺墨生敬恭男兒終老瘡癩地  
魂夢不離蓬萊宮世人不解欽高節徒讀文章誇此翁  
文章小技非難工會當有人角其雄長河洗出光明錦  
草木山川亦改容升菴先生嘉靖後追論文憲見明紀  
事本未墓上有小碑鐫刻楊文憲公之墓者卽升菴先  
生也

觀田中穫稻歌

雲收雨霽空山曉風溽白露下百草不慮先秋米價昂  
且喜今年禾熟早畦九陌望如雲腰鎌手鋏日紛紜  
盈眸色好家家樂打桶聲高處處聞蜀人以桶打稻挑  
其式如斛而大挑  
回瞰日平場裏又恐驟雨隨風起三時用盡人牛力一  
飽聊得妻孥喜市肉沽酒爲嘗新焚香羅拜答芒神優  
哉游哉可卒歲始言田家樂事真我今把筆未扶犁禾  
生不辨畝東西何當飽食酣歌舞粒粒應念農功苦

八陣圖

豈論魚復與新都蛇鳥還應識舊圖天下奇才有人嘆

古來儒者似君無野田荒草秋風暮敗瓦頽垣古木枯  
少小幾回周覽處纍纍高阜莽榛蕪

中秋

遠行寧獨我思親冒雨還家及令辰啓戶乍招新得月  
停杯遙待未歸人來從花裏香盈袖遙望林端魄滿輪  
應有吳剛持大斧等閒砍得桂如薪

時大兒調元應鄉試

題文淵二兄家藏山水圖

飛泉百尺懸岩落落成潭洞清可掬古樹影影浮山嵐  
直從絕頂露樓閣我驚便欲凌雲遊主人笑謂此畫軸  
古來名山競策杖不如臥看無拘束世上紛紛名利多

莫使山靈笑人俗畫工寫出天然趣風雨烟雲常在口  
先生達者意有餘藍田輞川今可續

謝計寧邦見邀之作兼以爲別其年寧邦將應舉  
重陰密樹故人家橘刺藤稍滿徑遮酒後題詩敲短韻  
門前汲水試新茶亡羊莫向窮途悔失馬應知福澤賒  
臨別贈言須省記今秋準擬踏槐花



萬善堂集卷五

羅江李化楠讓齋著

男 調元 雨村 編纂

杭州陸 燦補梅

受業嘉興李祖惠虹舟仝校

紹興黃 璋稚圭

古今體

成都雜詩八首

飯顆山頭太瘦生  
書籤藥裏總關情  
蓬瀛此去無多路  
滿挂風帆浪不驚

秋水文章不受塵  
小蘇端的是前身  
君家自有髯翁在

莫向他人更問津

誰信明河路可通  
漢唐古跡有無中  
空餘織女支機石  
不見當時賣卜翁

唳嘶笙歌到處聞  
草玄亭畔雨紛紛  
袴襦有客思兼范  
載酒無人過子雲

開山鑿石因秦婦  
腸斷風流爲薛濤  
勝事祇今零落盡  
碧天無際雁行高

寥寥小巷酒名井鬱鬱

有祠將畧古今誰第一

何爲鍊壽漫相訾

文翁石室漢時功  
羽獵甘泉峙兩雄  
得失文章千古事

誰當再起關鴻濛

百花潭上浣花人  
氣吐風雷筆有神  
萬里橋西天尺五  
杜陵不見與誰春

和計寧邦病起書懷韻

浩蕩襟懷不解愁  
寥天旅雁入高秋  
閉門終日無車馬  
山自青青水自流

戲與吉祥寺僧索梅花

聞道孤山興不孤  
寒枝學種自林逋  
月明禪榻留清影  
雪滿山房撚白鬚  
野客每爲花意動  
高人久與世情殊  
遙憐嶺外春千樹  
可許平分到我無

重九後與故人徐大自申夜話二首

多時未覩紫芝眉，耿耿秋懷悵別離。此夜相逢無別事，陶然共醉菊花卮。

令人誰似古人賢，痛飲吾師老鄭虔。三十年前君記取，寒燈疎雨對床眠。

壽周孺人八十

曾叨舊譜附雲程，燕蜀遙瞻萬里情。一自許君重作令，早知金姥得長生。懸橋尚有仙人跡，飲水猶傳孝子名。況是河陽花簇簇，綠雲高颺舞衣輕。  
孺人德陽周明府之母，明府直隸人，與余同年，孝泉仙人，橋均在德邑境內。

送調兒會試作

憶昔我年二十九，蟾宮初試折桂手。乘風一舉未高飛，慚愧鑿坡非我有。汝今年小志方強健，翻摩空銳莫當。詩筆離騷我家法，風流好續青蓮鄉。我今老矣渾無用，有似病牛鞭不動。怒見鵬程一翅飛，中宵起舞應破甕。茅店星霜遙念汝，雲天萬里從此去。征車休作等閒過，一訪舊時題詩處。

和柴豹文偕譚鼎一兒守歲用杜韻

簫鼓動鄰家，高堂燭吐花。打从聊祝鬼，翻墨喜塗鴉。漏急天將曙，風吹月欲斜。痴呆吾不賣，留此足生涯。

庚辰元旦試筆

兩年春色與誰同  
禪服初除及歲終  
小草欲沾新歲雨  
屠蘇不改舊家風  
萱堂鸞鶴晴雲暖  
隸萼翩翩淑氣融  
惟有公市人去遠  
計程今日到秦中

春雨

初春得雨宜  
小水細通池  
霽物微微潤  
飛空故故遲  
生風吹死草  
暖氣動寒枝  
正是犁雲日  
豐亨可預期

庚辰清明上先人墓值祠堂落成分韻得人字

祠廟初成重所親  
恰逢寒食慶佳辰  
雲歸遠岫天光碧  
水繞平川樹色新  
香火百年緩後祿  
田園再世續前因

祠基係先人徹廬明未遭變為他姓所有今百餘年始復還舊物  
雲初爪屐今朝盛可

念當時創業人

題伏虎寺僧畫虎歌

林深月黑初出走  
掉尾草間自抖擻  
松聲颯颯斑奴來  
空山無人一回首  
夜聞咆哮驚雷頭  
為震搖股為戰  
明朝寫向屏幃間  
恍惚重岡陰雲變  
知君前生善覺師  
大空小空旁繞之  
想其下筆身作虎  
正當寅日風生時  
差爾稱為百獸長  
真氣自可逐魍魎  
莫學江乙王門客  
謬將威柄假狐黨

和柴豹文贈別四首

石榴枝亞燦紅英一枕羨皇少夢驚我日愛閒閒不得  
依然捧檄學毛生

真亭分手各西東脉脉情懷爾我同一夜相思眠不穩  
起看涼月上梧桐

音書寂寞滯南京舉首床前看月明萬里未歸猶送別  
如何不起故園情

翠竹森森立講堂圖書萬卷足家藏付君雙燕婚無力  
養使高飛遠畫梁

綿州沉香舖別其勝香如雨夢用東坡涪州別老

由二首韻

丈夫志懸弧才士期脫穎所念北堂親已迫桑榆景臨  
行拜別時顧我色凄冷含涕上道來茅店鷄聲靜耿耿  
意不忘默默心自警奉母未二年此行無乃猛落日催  
行路回首望鄉井人言醉解愁飲多長自醒此間別兩  
弟相思日已永此別無他囑高堂時定省

烟雨洗我容雲山盪我胸男兒不出路埋沒與死同在  
家親恩厚在國君恩重慷慨事馳驅矢志自兒童中  
間曾遭變喬木摧秋風秋風亦已過此恨終無窮我有  
十畝園近在祠堂東竹樹栽已活灌溉有園公無使滋  
惰玩廢棄長蒿蓬歸來應遲暮用此慰衰翁

宿武連驛

屬劍州夾道相明牧李公壁所栽也

兩山雄峙一溪流夾送行人入劍州栢有千株名宦蹟  
李無二姪史官留長途客倦村烟晚深店涼生驛樹秋  
聞道連雲八百里炎威至此一齊收

五月五日劍關阻雨

劍門關下一夜雨飛泉倒捲長松舞溪漲塗泥不可行  
恰當此處逢端午男兒墮地走年年廻首庭前榴樹邊  
題詩縱酒酣歌笑看花躡柳共留連而今寂寞山中路  
山樹淒迷半烟霧小市菖蒲無可尋鬪草兒童入山去  
謁姜伯約祠和次兒調元壁間韻

露冷荒山伯約祠忠魂猶繞漢旌旗降王不惜二分業  
上將空提一旅師心跡未能光舊史勤勞特與表豐碑  
公祠前立新碑係仁和宋公鑑撰文並題詩八首詞旨  
並美大意謂陳壽志三國於武侯及姜公事多畧不無  
遺恨故增訂姜公本傳遙遙千古誰知已不盡寒江日  
夜澌成交又爲詩以申其意

牛頭山長歌

牛頭高插青霄上巨石谿衲業相向劍閣西來百里翠  
相連奇峯幻化難名狀我來陟其巔蒼崖古木懸下視  
諸山俱拱立直疑此間呼吸可通天山僧閣子臨空澗  
把檻更覺雙眸豁長江滾滾抱城流踈林晚烟飛木末

晴雲連袂起危徑排石齒漫誇李白登天擬蜀道之難  
從此始

桔栢渡

在昭化縣

渡頭兩日風色惡行人欲濟還驚愕只愁龍血捲西巖  
坐令車馬填東郭我來已是風漸寧兩岸猶聞漰漰聲  
人多船少不得渡拗指不惜相喧爭辰時坐至日將西  
一舟前來催我走遲速升沉安可知也有風平到我時

廣元縣留贈同年應樹軒廣文

山城雨色動微寒走馬來餐苜蓿盤入室祇愁苔徑滑  
啣杯坐對菊花殘黌宮材篤培桃李鳳穴雛生見羽翰

莫向鏡中羞白髮鄭虔終不老儒官

自廣元縣至朝天關道中作

始發自龍門絕壁痕如削懸崖多佛像不知何年鑿江  
水傍崖趨激越鳴蹊壑杙天半石向人頭上落金鰲  
亦有背飛仙尙留閣怪石浮江湍孤根潛水窟行當絕  
險處顧盼生駭愕似人立舟中虛蕩難穩著行行登山  
椒始覺天宇廓雄關扼形勝烟光浩漠漠性僻愛奇險  
幽居苦蕭索茲來得壯觀耳目因寄託

龍洞背

吟石突兀山嵯峨濺濺流沫車輪過但覺風聲四山下

那知脚底龍騰梭石竇快開水鳴瀉土人云是龍所闢  
龍能致水信有之謂龍開山恐未必連峯不礙水歸東  
乾坤特與一竅通鬼斧神王都不用龍來恰好作潭洞  
君不見瞿唐峽口劍門關倚天峭壁青巉巖是龍非龍  
誰鑿劖

寧羗道中寄懷柴豹文二首

梯石入氏羗孤城四面荒衣冠猶近蜀城郭矮於墻漫  
渡水無路尖峯利似錯秦關回首望雲霧隔蒼茫  
巉崖寸步難信馬駕蒼巒洞古雲常滿峰高宇不寬夢  
殘驚夜短衣薄畏朝寒爲念竹林友幽栖可自安

宿大安驛

屬寧羗州

一夜青蛙聒耳邊挑燈起坐不成眠山巖莫道全無用  
尚有桑麻數頃田

謁武侯祠

在沔縣

五丈原頭草木曛定軍山水沄沄英雄不了心中事  
浩氣猶生水上雲

由沔縣至褒城道中二首

天寬地曠眼初明百里晴川似掌平廬舍參差春水足  
槐榆吹送午風清

秧分穠稷綠粲粲雨過川原樹色新正是日長農有暇



柳陰閒立看行人

喜晴

雨過疎林散晚烟山光樹色共鮮妍人看月暈來平地  
虹挾雲濤欲上天荏苒徒勞鄉國夢淹留尙藉使君賢  
旅舍無聊邑令曹公送書數種前  
邸抄一束陶之藉此得消岑寂來朝更阻山頭路便  
擬浮槎到日邊

馬道驛懷古 屬褒城縣

蕭何少小與帝厚失何如夫左右手驚怪只恐蕭何立  
跟踉不管韓信走追信惟何殺亦何死生榮悴在其口  
韓侯反狀未分明史遷不與細杵剖王齊不聽蒯通言

豈反雲夢僞遊後爲將亦須事詩書功成退讓乃能久  
諸臣位不過封侯那得王印長懸肘信嘗羞與噲等伍  
失勢怨望良亦有初聞漢上追逋臣旋見未央烹走狗  
假如淮陰先不王君臣庶幾兩無負

棧道二首

林巒多野趣來往少人知地僻人烟少山深日色遲龍  
吟千曲澗猿掛最高枝幽興從今熟登臨忘却疲  
豈但愜幽意還期見物情山禽如解語春草不知名寺  
古雲常覆林深虎欲行野人生計拙寂寞掩柴荆

雨中留壩啓行

羣山萬壑雨爭流客子衝泥自不愁清句每隨清籟發  
遠塵正賴遠烟收穿雲衣履何嫌濕入眼林巒覺更幽  
莫學貫胡行輒止天風吹我達神州

過紫栢山留侯辟穀處

屬鳳縣

韓信張良漢之傑傳檄三秦項氏滅論功二人足相方  
禍福死生何遠別張良託名赤松遊何曾羽化超仙列  
母亦富貴戒滿盈功成身退貫勇決世俗寧知假與真  
紛紛只作神仙說我來下馬謁靈祠古木陰寒凝積雪  
令人長憶張良賢回頭翻笑韓信拙

心紅峽

壁立積鐵堅且牢兩峰爭雄一峰高削挂蛟虬蹲虎豹  
杜鵑啼血猿哀號林間晦色暝清晝濤聲一似笙簧奏  
我從雲水窟中過萬斛勞塵資滌漱

猛虎行

暗風慘慘入林壑噴霧藏烟日色薄危坡直下二十里  
雲水陰寒氣參錯驀地如雷吼一聲行客軟戰不能行  
公然白晝攫人食負嵎咆哮誰敢攫居人惴怖路人苦  
傳聞共道山有虎我來經過問居民爾縣誰歟實守上  
人惡害人當卽除虎惡比人定何如居民答言縣官好  
政簡刑清民不擾朝朝驅虎北渡河山中猛虎還更多

八月初八日白寶鷄入大散關天雨路滑溪水漲  
漲二首

水出山間本細流深如車轍潤容轉何當暫假風雲會  
便作洪濤怒不休

泥深雨滑遶山行馬戰西風客子驚世路險艱皆似此  
休教失足誤平生

柴關道中

藁生古木隱峯巒積翠濃陰帶雨寒山色四圍環絕谷  
泉聲半壁落飛湍穿雲但覺衣裳濕落日偏憐步履難  
傳語兒曹須記取天然可作畫圖看

誰當再起闢鴻濛

百花潭上浣花人氣吐風雷筆有神萬里橋西堂尚在  
社陵不見與誰春

和計寧邦病起書懷韻

初起情懷不禁愁寥天已是雁來秋閉門不管人間事  
任江聲日夜流

戲與吉祥寺僧索梅花

聞道孤山興不孤一枝筇杖訪林逋月明水底詩成未  
雪滿山中酒有無野客能來多結伴山僧自至不須呼  
遙憐嶺外春千樹可許平分到老夫

重九後與故人徐大自申夜話二首

多時未覩紫芝眉耿耿秋懷悵別離此夜相逢無別事  
陶然補醉菊花卮

今人誰似古人賢痛飲吾師亦可憐三十年前君記取  
寒燈同卧鄭虔氈

壽周孺人八十

曾叨舊譜附雲程燕蜀遙瞻萬里情一自許君重作令  
早知金姥得長生題橋尚有仙人跡飲水猶傳孝子名  
况是河陽花簇簇綵雲高颺舞衣輕孺人德陽周明府  
與余同年孝泉仙人  
之母明府直隸人  
橋均在德邑境內

壁立積鐵堅且牢兩峰爭雄一峰高倒挂蛟虬蹲虎豹  
杜鵑啼血猿哀號林間晦色暝清晝濤聲一似笙簧奏  
我從雲水窟中過萬斛勞塵資滌漱

猛虎行

暗風慘慘入林壑噴霧藏烟日色薄危坡直下二十里  
雲水陰寒氣參錯驀地如雷吼一聲行客軟戰不能行  
公然白晝攫人食負嵎咆哮誰敢攫居人惶怖路人苦  
傳聞共道山有虎我來經過問居民爾縣誰歟實守土  
人惡害人當卽除虎惡比人定何如居民答言縣官好  
政簡刑清民不擾朝朝驅虎北渡河山中猛虎還更多





